

Član 21.

Služba za privredu i finansije dužna je podnositi općinskom načelniku i Komisiji za budžet i finansije mjesečne finansijske izvještaje u roku od 30 dana, a tromjesečne i polugodišnje finansijske izvještaje u roku od najviše 60 dana od završetka svakog izvještajnog razdoblja.

Općinski načelnik podnosi Općinskom vijeću informaciju o izvršenju Budžeta za šest mjeseci u roku od 60 dana od završetka obračunskog perioda.

Općina je obavezna izraditi godišnji obračun finansijskog plana za proteklu godinu i dostaviti ga nadležnom organu u skladu sa Zakonom.

Općinski načelnik obavezan je podnijeti Općinskom vijeću na usvajanje, godišnji izvještaj o izvršenju Budžeta Općine Novo Sarajevo u roku od 120 dana od završetka fiskalne godine.

Član 22.

Nadzor nad korištenjem budžetskih sredstava vrši se putem interne i eksterne revizije u skladu sa zakonom.

Komisija za budžet i finansije vrši uvid u ostvarivanje prihoda i rashoda Općine, kao i raspolaganje i korištenje budžetskih sredstava od strane korisnika tih sredstava, prati izvršavanje zakona i akata Općinskog vijeća iz ove oblasti, te predlaže Općinskom vijeću donošenje odgovarajućih mjera za racionalnije korištenje budžetskih sredstava.

Reviziju godišnjih finansijskih izvještaja u skladu sa Zakonom o budžetima u Federaciji Bosne i Hercegovine vrši Ured za reviziju budžeta u Federaciji BiH.

Član 23.

Budžet, Odluka o izvršavanju Budžeta, kao i svaka izmjena i dopuna Budžeta, te godišnji izvještaj o izvršenju Budžeta objavit će se u skladu sa članom 76. Zakona o budžetima u FBiH.

Član 24.

Odgovorno lice budžetskog korisnika, nosilac izvršne vlasti, kao i drugo lice odgovorno za Budžet Općine, kaznit će se za kršenje ove Odluke saglasno odredbama člana 78. Zakona o budžetima u Federaciji Bosne i Hercegovine.

Član 25.

Na sva pitanja koja nisu regulisane ovom Odlukom, a tiču se izvršavanja, računovodstva i revizije Budžeta primjenjivat će se odredbe važećih zakona.

Član 26.

Ova Odluka stupa na snagu narednog dana od dana objavljivanja u "Službenim novinama Kantona Sarajevo" i važi za fiskalnu 2012. godinu.

Broj 01-14-3911/11 Predsjedavajući
28. decembra 2011. godine Općinskog vijeća Novo Sarajevo
Sarajevo **Nebojša Simić, s. r.**

Na osnovu člana 13. Zakona o principima lokalne samouprave ("Službene novine Federacije BiH", br. 49/06), člana 19. stav 1. alineja 2. Statuta općine Novo Sarajevo ("Službene novine Kantona Sarajevo", broj 35/10) i člana 3. Pravilnika o dodjeli stipendija ("Službene novine Kantona Sarajevo", broj 27/09), Općinsko vijeće Novo Sarajevo, na 35. sjednici održanoj dana 28.12.2011. godine, donijelo je

ODLUKU

**O IZMJENI I DOPUNI ODLUKE O DODJELI
STIPENDIJA ZA POSEBNO NADARENE SPORTISTE S
PODRUČJA OPĆINE NOVO SARAJEVO**

Član 1.

U Odluci o dodjeli stipendija za posebno nadarene sportiste učenike i studente ("Službene novine Kantona Sarajevo", broj 12/11) u članu 1. u drugom redu iznos od 15.500,00 KM zamjenjuje se iznosom od 16.500,00 KM.

Član 2.

U članu 2. stav 1. broj 13. zamjenjuje se brojem 14.

U podnaslovu A/učenici srednjih škola, dodaje se novo ime pod rednim brojem 9. koje glasi Borovac (Zijad) Adna.

Član 3.

Ova Odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.09.2010. godine.

Broj 01-14-901/11 Predsjedavajući
28. decembra 2011. godine Općinskog vijeća Novo Sarajevo
Sarajevo **Nebojša Simić, s. r.**

Na osnovu člana 44. stav 4., člana 52. Zakona o prostornom uređenju ("Službene novine Kantona Sarajevo", br. 7/05), člana 13. Zakona o principima lokalne samouprave u Federaciji BiH ("Službene novine Federacije BiH", broj 49/06), i člana 19. stav 1. alineja 2. Statuta Općine Novo Sarajevo ("Službene novine Kantona Sarajevo", broj 35/10) Općinsko vijeće Novo Sarajevo je, na 35. sjednici održanoj 28.12.2011. godine, donijelo

ODLUKU

**O USVAJANJU URBANISTIČKOG PROJEKTA
"ČENGIĆ VILA II"**

Član 1.

Usvaja se Urbanistički projekat "ČENGIĆ VILA II" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Postojeće stanje i projekciju izgradnje i uređenja prostorne cjeline sa namjenom površina i urbanističko tehničkim uvjetima za izgradnju objekata u okviru Plana,
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata i Idejna rješenja objekata
- Idejno rješenje saobraćaja
- Idejno rješenje snabdijevanja vodom i odvodnja otpadnih i oborinskih voda
- Idejno rješenje toplifikacije-gasifikacije
- Idejno rješenje elektroenergetske i javne rasvjete
- Idejno rješenje kablovske tk mreže
- Idejno rješenje hortikulture

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Službi za oblast prostornog uređenja i urbanizam Općine Novo Sarajevo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-902/11 Predsjedavajući
28. decembra 2011. godine Općinskog vijeća Novo Sarajevo
Sarajevo **Nebojša Simić, s. r.**

Na osnovu člana 29., 47. stav 2. alineja 3. i 52. Zakona o prostornom uređenju ("Službene novine Kantona Sarajevo", broj 07/05), člana 13. zakona o principima lokalne samouprave u Federaciji BiH ("Službene novine Federacije BiH", broj 49/06) i člana 19. stav 1. alineja 2. Statuta Općine Novo Sarajevo ("Službene novine Kantona Sarajevo", broj 35/10), Općinsko vijeće Novo Sarajevo, na 35. sjednici održanoj 28.12.2011. godine, donijelo je

**ODLUKU
O PROVOĐENJU URBANISTIČKOG PROJEKTA
"ČENGIĆ VILA II"****Član 1.**

Ovom Odlukom utvrđuju se uvjeti korišćenja, izgradnje, uređenja i zaštite prostora i način provođenja Urbanističkog projekta "ČENGIĆ VILA II" (u daljem tekstu: Plan), a naročito: granice prostorne cjeline, urbanističko tehnički uvjeti za izgradnju građevina, uređenje građevinskog zemljišta, privremeno korištenje površina, uređenje zelenih i slobodnih površina i uvjeti pod kojima se djelatnosti mogu obavljati u objektima i površinama.

Granice prostorne cjeline**Član 2.**

Granica obuhvata polazi od tačke broj 1 sa koordinatama $y=6529895$, $x=4856153$, koja se nalazi na granici između općina Novi Grad i Novo Sarajevo, zatim produžava na sjever idući granicom pomenutih općina i dolazi do tačke broj 2 sa koordinatama $y=6529857$, $x=4856343$, koja se takode nalazi na granici između općina Novi Grad i Novo Sarajevo, granica obuhvata nastavlja u pravcu istoka idući ulicom Džemala Bijedića k.č. 4341 (obuhvata je) i dolazi do trase V transverzale kojom produžava u pravcu juga (ne obuhvata je) i dolazi do tačke broj 3 sa koordinatama $y=6530345$, $x=4856298$, koja se nalazi na rubu pomenute trase, zatim produžava na jugozapad idući putem k.č. 4361/1 (obuhvata ga) i dolazi do mjesta odakle je opis granice i počeo.

Sve gore navedene parcele se nalaze u K.O. Novo Sarajevo I i K.O. Novo Sarajevo V, Općina Novo Sarajevo.

Granica obuhvata je nanesena sa podloga $R=1:1000$ (katastarski original i podloge iz 1986. g.)

Površina obuhvata iznosi $P=7$ ha.

Namjene površina**Član 3.**

U sklopu obuhvata ovog plana definisane su zone sa sljedećim namjenama:

- Stambeno-poslovna zona 2.868 ha
- Zona kolektivnog stanovanja 2.503 ha
- Saobraćajna infrastruktura 1.629 ha

Urbanističko-tehnički uslovi za izgradnju građevina i uređenje građevinskog zemljišta**Član 4.**

Urbanističko-tehnički uvjeti za izgradnju građevina:

- Izgradnja i svaki oblik intervencija na objektima unutar granica iz člana 2. ove Odluke vrši se na građevinskom zemljištu ograničenom regulacionom i građevinskom linijom.
- Regulaciona linija utvrđena ovim Planom određuje granicu između posjeda vlasnika građevinskog zemljišta i javnog dobra i zemljišta koje je dodijeljeno korisniku na korištenje.
- Građevinska linija utvrđuje prostor na kome je dozvoljeno lociranje i izgradnja građevina.
- Prizemlje građevine ne može preći građevinsku liniju. U višim etažama je moguće pojedinim dijelovima objekta preći preko građevinske linije, ali ne više od 3,0 m i to pod uvjetom da istureni dio nema oslonac na nivou partera.
- Kote podova utvrđene u ovom urbanističkom projektu u pravilu treba poštovati, ali su moguće korekcije od $\pm 10,0$ cm.
- Maksimalne visine zgrada utvrđene ovim urbanističkim projektom se ne mogu mijenjati.

- Arhitektonski objekti predviđeni za izgradnju ovim urbanističkim projektom moraju se realizovati najvećim dijelom prema Idejnim projektima koji su sastavni dio dokumentacije ovog urbanističkog projekta.
- Svi arhitektonski objekti predviđeni za izgradnju ovim urbanističkim projektom moraju biti oblikovani i građeni od savremenih materijala.
- Uredaji i instalacije koji su u funkciji objekata moraju se smjestiti u okviru osnovnog gabarita arhitektonskog objekta.
- Svi arhitektonski objekti predviđeni za izgradnju ovim urbanističkim projektom moraju biti projektovani i izvedeni prema uvjetima predviđenim za 8°MCS skale.
- Prije izdavanja građevinske dozvole za građenje arhitektonskih i drugih objekata potrebno je pribaviti detaljan geološko-inženjerski nalaz i uvjete temeljenja za ove radove od ovlaštene institucije.
- U postupku izdavanja odobrenja za gradnju novoplaniranog stambeno-poslovnog objekta uz ulicu Bulevar Meše Selimovića, obavezno pribaviti nalaz i mišljenje nadležne institucije koje će potvrditi da planiranom izgradnjom neće biti ugrožen protok zraka na predmetnom lokalitetu.
- Na građevinskoj parceli na kojoj je planirana izgradnja stambeno-poslovnog objekta, a na zemljištu označenom kao k.č. 3988/9 K.O. Novo Sarajevo I novog premjera, što odgovara k.č. 875/3, 874/9, 857/5 K.O. Dolac starog premjera nije dozvoljeno, nakon usvajanja i u toku realizacije ovog Urbanističkog projekta, vršiti bilo kakve korekcije i izmjene planskog dokumenta, s ciljem izmjene gabarita ili BGP predmetne građevine.
- Unutar granica opisanih u članu 2. ove Odluke, postavljanje privremenih objekata se ne može odobriti izuzimajući za potrebe gradilišta.
- Privremeni objekti postavljeni za potrebe gradilišta, moraju se ukloniti prije početka tehničkog prijema zgrade.
- Unutar granica opisanih u članu 2. ove Odluke, postavljanje pomoćnih objekata se ne može odobriti ukoliko nisu predviđeni ovim urbanističkim projektom.

Član 5.

Uređenje građevinskog zemljišta se mora izvesti u obimu i na način kako je to predviđeno ovim projektom. Izgradnja građevina ne može se započeti bez prethodno minimalnog uređenja građevinskog zemljišta pod čim se podrazumijeva obezbjeđenje saobraćajnog pristupa, priključenje na vodovodnu, kanalizacionu i elektroenergetsku mrežu, eventualnog izmještanja vodova komunalne infrastrukture.

Intervencije na postojećim objektima**Član 6.**

Kolektivni objekti (stambeni i stambeno poslovni) koji se zadržavaju mogu se rekonstruisati i adaptirati. Pomenute intervencije se mogu vršiti u smislu obnove fasade i izvjesnih promjena na fasadama.

Postojeći poslovni objekti (spratnosti prizemlje) uz ulicu Bulevar Meše Selimovića, se trebaju redizajnirati u cilju postizanja jedinstvene ulične fasade. Povećanje BGP-e je moguće na račun spratnost (galerija ili etaža) što zavisi od projektnog rješenja.

Zelenilo i uvjeti za izgradnju**Član 7.**

- Uređenje zelenih površina se mora izvršiti na osnovu Idejnog rješenja hortikulture koje je sastavni dio dokumentacije ovog projekta.
- Uređenje zelenih površina u okviru pojedinih namjena prostora iz člana 3. ove odluke mora se izvršiti prije

tehničkog prijema predviđenih arhitektonskih i drugih objekata.

- Tehnički prijem arhitektonskih i drugih objekata podrazumijeva i prijem izvedenih radova na uređenju zelenih površina.

Privremeno korištenje javnih površina

Član 8.

Privremeno korištenje površina u području obuhvaćenom Urbanističkim projektom se ne može odobriti ni u koje svrhe.

Privremeno korištenje javnih površina (ljetne bašče, kiosci, rashladni uređaji i sl.) može se odobriti samo u skladu sa Zakonom o privremenom korištenju javnih površina na području Kantona Sarajevo ("Službene novine Kantona Sarajevo", broj 20/04).

Javne površine privedene konačnoj namjeni se ne mogu zaposjedati drugim objektima, osim za potrebe javnog gradskog saobraćaja, a u svrhu postavljanja nastrešnica za putnike na stanicama javnog gradskog saobraćaja.

Obavljanje poslovnih djelatnosti

Član 9.

U poslovnim prostorima mogu se obavljati sve djelatnosti koje ne ugrožavaju prirodnu sredinu i okoliš, koje ne remete korištenje susjednih objekata i sadržaja i koji se vrše u objektima izgrađenim u skladu sa važećim propisima u odnosu na djelatnost koja se u njima vrši.

Mjere zaštite prava lica sa smanjenim tjelesnim sposobnostima

Član 10.

U postupku donošenja odobrenja za građenje, odnosno u postupku donošenja urbanističke saglasnosti i odobrenja za

građenje nivelete pješačkih saobraćajnica, kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).

Mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja

Član 11.

Uslovi za sklanjanje stanovništva i materijalnih dobara moraju biti obezbijeđeni u skladu sa odredbama Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03 i 22/06) i odredbama Uredbe o mjerilima, kriterijima i načinu izgradnje skloništa i tehničkim normativima za kontrolu ispravnosti skloništa ("Službene novine Federacije BiH", broj 21/05).

Član 12.

Ova Odluka stupa na snagu osmog dana od objavljivanja u "Službenim novinama Kantona Sarajevo".

Broj 01-05-903/11

28. decembra 2011. godine
Sarajevo

Predsjedavajući

Općinskog vijeća Novo Sarajevo
Nebojša Simić, s. r.

OPĆINA STARI GRAD

Načelnik Općine

Na osnovu člana 34. Zakona o budžetima u Federaciji Bosne i Hercegovine ("Službene novine Federacije BiH", broj 19/06) i u skladu sa članom 21. Odluke o izvršenju budžeta Općine Stari Grad za 2011. godinu ("Službene novine Kantona Sarajevo", broj 01/11), Načelnik Općine Stari Grad Sarajevo donosi

ODLUKU

O ODOBRAVANJU IZDVAJANJA SREDSTAVA TEKUĆE REZERVE BUDŽETA OPĆINE STARI GRAD SARAJEVO ZA 2011. GODINU SINDIKALNOJ ORGANIZACIJI OPĆINE "STARI GRAD" SARAJEVO

Član 1.

Na ime finansijske pomoći u ukupnom iznosu od 3.500,00 KM (trihiljadepetstotina KM) za realizaciju proslave novogodišnjeg praznika i kupovine paketića djeci uposlenika Općine Stari Grad i Prve Policijske Stanice Stari Grad.

Član 2.

Sredstva iz člana 1. ove Odluke odobravaju se na teret pozicije: Tekuća rezerva Budžeta

Općine Stari Grad Sarajevo za 2011. godinu i to:

- iznos od 3.500,00 KM na teret tekuće rezerve Načelnika

Član 3.

Općinska Služba za finansije će sredstva iz člana 1. ove Odluke prenijeti Sindikalnoj Organizaciji Općine "Stari Grad" Sarajevo na transakcijski račun broj 1540012000046559.

Član 4.

Za realizaciju ove Odluke zadužuje se Služba za finansije.

Član 5.

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-4-2926/11

26. decembra 2011. godine
Sarajevo

Pomoćnik načelnika

Senada Katica, s. r.

Načelnik Općine

Mr. Ibrahim Hadžibajrić, s. r.

KJKP "VODOVOD I KANALIZACIJA" D.O.O. SARAJEVO

Na osnovu člana 259., a u vezi sa članom 310. Zakona o privrednim društvima ("Službene novine Federacije BiH", br. 23/99, 45/00, 2/02, 6/02, 29/03, 68/05, 91/07, 84/08, 88/08, 7/09, 63/10) člana 28. i 35. Statuta KJKP "Vodovod i kanalizacija" d.o.o. Sarajevo, Skupština preduzeća je, na 4. sjednici održanoj dana 05.12.2011. godine, nakon preispitivanja Izvještaja o radu Nadzornog odbora po Zaključku Vlade Kantona Sarajevo od 03.11.2011. godine, donijela

RJEŠENJE

O RAZRJEŠENJU PREDSEDNIKA I ČLANOVA NADZORNOG ODBORA KJKP "VODOVOD I KANALIZACIJA" D.O.O. SARAJEVO

I.

Razrješava se dužnosti predsjednika Nadzornog odbora KJKP "Vodovod i kanalizacija" d.o.o. Sarajevo RAŠIDAGIĆ HARIS, na lični zahtjev.

II.

Razrješavaju se dužnosti članova Nadzornog odbora KJKP "Vodovod i kanalizacija" d.o.o. Sarajevo: